



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illustrium Virorum Poemata

Amstelodami, 1672

Ferdinando Furstenbergio.

urn:nbn:de:hbz:466:1-11215

FERDINANDO
FURSTENBERGIO.

Nobilibus longæ depenso in collibus Albæ
Crura sacer mihi cum lente percurreret ignis,
Et miseros artus stimulis arthritis acutis
Ureret, ac toto tentarer corpore, demum
Decubui fessus monitu imperioque medentum,
Accipe nunc, Fernande, tori quæ commoda nostri,
Deliciæque, quibus cessantem frangere morbum
Sperabam, victorque feros superare dolores,
Moxque frui lætus jucundi gaudia ruris.
Principio apparet lecti modus haud ita magnus:
Tres in fronte pedes, paulò plus tentus in agrum,
Dimidiāmque pavimento vix altior ulnam;
Unde solum digitis pulsare micantibus imum,
Perque leves auras jactatis ludere talis,
Mite laboranti solamen. Culcita duris
Durior imposita asseribus, non illa minutis
Aut plumis infarta, aut vellere pinguis Ibero.
Cyniphis tondent sed quale in vallibus hirci,
Horrentesve apri, Numidæve in montibus urfi,
Tomento oppletur Cilicum de stamine foccus.
Involvit super hunc animosis sospes ab Euris,
Et decimo fluctu, fœdisque agitata procellis
Carbasus, assutis obtendens vulnera pannis.
Nauticus horrescit supremo tegmine cento,
Blattarum ac tinearum epulis subductus, & unde
Diripuere dapes magno certamine mures.
Cætera (quod multo mireris non sine risu)

Re-

Regifico surgunt luxu, textuque renident
Attalico, & Babylonis acu, Phrygioque labore,
Quattuor ingentes Ephyræo ex ære columnæ,
Aurati fulgent quarum alto culmine coni,
Vela ferunt pretiosa, & nobile conopeum.
Sed neque ferventi citius de sanguine febris,
Nec dolor abscedit membris, nec pectori curæ,
Textilibus si in picturis aurum inter & ostrum
Jaeteris, quām si plebeia in veste cubaris.
Quod te per nomen jucundum, & foedera dulcis
Testor amicitiæ, per sanctæ pignora dextræ,
Per mores, geniumque tuum, miseresce jacentis.
Dumque datur placidos in lucem carpere somnos,
Et tibi lauricomо veniunt insomnia Pindo,
Inspirantque quiescenti nova carmina Musæ,
Dulce aliquid mihi Castalio transmitte liquore
Perfusum. Forsan vatum Deus, artis & idem
Inventor medicæ, sic me servarit Apollo.

S O.